

Trefniadau ar gyfer Comisiynu Gwasanaethau – Cyngor Bwrdeistref Sirol Merthyr Tudful

Blwyddyn archwilio: 2023-24

Dyddiad cyhoeddi: Ebrill 2025

Cyfeirnod y ddogfen: 4804A2025

Paratowyd y ddogfen hon fel rhan o waith a gyflawnir yn unol â swyddogaethau statudol.

Rydym yn croesawu gohebiaeth a galwadau ffôn yn Gymraeg a Saesneg. Ni fydd gohebu yn Gymraeg yn arwain at oedi.

Mae'r ddogfen hon hefyd ar gael yn Saesneg. This document is also available in English.

Cynnwys

Adroddiad cryno

Pam y cynhaliom ni'r archwiliad hwn	4
Ein dyletswyddau archwilio	4
Ein hamcanion ar gyfer yr archwiliad hwn	4
Pam fod comisiynu'n bwysig	4
Yr hyn y gwnaethom fwrw golwg arno a sut y mae da'n edrych	5
Ein dulliau archwilio a phryd y cynhaliom ni'r archwiliad	5
Yr hyn a ganfuom	6
Ein hargymhellion i'r Cyngor	8
Atodiadau	
Atodiad 1 – cwestiynau a meini prawf archwilio	9

Adroddiad cryno

Pam y cynhaliom ni'r archwiliad hwn

Ein dyletswyddau archwilio

- 1 Rydym yn cynnal yr archwiliad hwn dan y dyletswyddau sydd wedi eu cynnwys yn:
 - adran 17 Deddf Archwilio Cyhoeddus (Cymru) 2004 (Deddf 2004) i helpu i alluogi'r Archwilydd Cyffredinol i fod wedi'i argyhoeddi (neu beidio) bod y Cyngor wedi sefydlu trefniadau priodol i sicrhau gwerth am arian o ran y modd y mae'n defnyddio ei adnoddau; ac
 - adran 15 Deddf Llesiant Cenedlaethau'r Dyfodol (Cymru) 2015 i helpu i alluogi'r Archwilydd Cyffredinol i asesu i ba raddau y mae'r Cyngor yn gweithredu yn unol â'r egwyddor datblygu cynaliadwy wrth gymryd camau i gyflawni ei amcanion llesiant.
- 2 Gall yr archwiliad hwn oleuo astudiaeth ar gyfer gwella gwerth am arian dan adran 41 Deddf 2004 hefyd.

Ein hamcanion ar gyfer yr archwiliad hwn

- 3 Ein hamcanion ar gyfer yr archwiliad hwn yw:
 - darparu sicrwydd bod gan gynghorau drefniadau priodol ar gyfer comisiynu gwasanaethau i sicrhau gwerth am arian o ran y modd y maent yn defnyddio adnoddau;
 - darparu sicrwydd bod cynghorau'n gweithredu yn unol â'r egwyddor datblygu cynaliadwy wrth gomisiynu gwasanaethau; ac
 - egluro sut y mae cynghorau'n mynd ati i gomisiynu gwasanaethau ac ysbrydoli a grymuso cynghorau a chyrff eraill yn y sector cyhoeddus trwy adnabod a rhannu enghreifftiau o arfer/dulliau nodedig lle y bo'n berthnasol.
- 4 Rydym yn cynnal yr archwiliad hwn ym mhob un o'r 22 o brif gynghorau yng Nghymru.

Pam fod comisiynu'n bwysig

- 5 Comisiynu yw'r broses a ddefnyddir gan y Cyngor i ddylunio gwasanaethau y mae'n bwriadu eu darparu. Mae'n dechrau â diffinio'r gwasanaeth a'r allbynnau a deilliannau a ddymunir ac yn diweddu pan fo'r Cyngor yn trefnu ei ddull darparu. Er enghraifft, trwy sefydlu tîm darparu yn fewnol, neu drwy gaffael cyflenwr allanol.
- 6 Gall trefniadau comisiynu helpu i sicrhau bod gwasanaethau'n cael eu darparu mewn modd darbodus, effeithlon ac effeithiol. I'r gwrthwyneb, gall gwendidau mewn trefniadau comisiynu leihaus effaith gwasanaethau a'u gwerth am arian, hyd yn oed os yw'r prosesau sy'n dilyn, megis caffael a rheoli contractau, yn gadarn.



Yr hyn y gwnaethom fwrw golwg arno a sut y mae da'n edrych¹

- 7 Fe wnaethom adolygu trefniadau'r Cyngor ar gyfer comisiynu gwasanaethau ac yn benodol i ba raddau y mae hyn wedi cael ei ddatblygu yn unol â'r egwyddor datblygu cynaliadwy; ac y bydd yn helpu i sicrhau gwerth am arian o ran y modd y defnyddir adnoddau'r Cyngor.
- 8 Nid oedd yr archwiliad hwn yn cynnwys trefniadau caffael na threfniadau rheoli contractau'r Cyngor.
- 9 Roedd yr archwiliad yn ceisio ateb y cwestiwn cyffredinol hwn: **Wrth gomisiynu gwasanaethau, a yw'r Cyngor yn sefydlu trefniadau priodol i sicrhau gwerth am arian o ran y modd y mae'n defnyddio ei adnoddau?**
- 10 Fe ddefnyddiom ni'r meini prawf archwilio a nodir yn **Atodiad 1**, sydd hefyd yn dangos y berthynas rhwng y meini prawf a'r cwestiynau archwilio. Goleuwyd hyn gan ein gwybodaeth gronns yn ogystal â'r hierarchaeth gwestiynau a dangosyddion cadarnhaol yr ydym wedi'u datblygu i ategu ein harchwiliadau o gymhwyso'r Egwyddor Datblygu Cynaliadwy.



Ein dulliau archwilio a phryd y cynhaliom ni'r archwiliad

- 11 Mae ein canfyddiadau'n seiliedig ar adolygiadau o ddogfennau, a chyfweliadau gyda'r uwch swyddogion sy'n gyfrifol am ddatblygu dull comisiynu strategol y Cyngor. Fe wnaethom hefyd gyfwrdd ag uwch swyddogion â chyfrifoldeb am wasanaethau y mae'r Cyngor wedi'u comisiynu'n allanol.
- 12 O ystyried yr ystod eang o wasanaethau sydd gan y Cyngor, fe wnaethom brofi sampl o'r trefniadau y mae'r Cyngor wedi'u sefydlu i gomisiynu gwasanaethau. I wneud hyn, fe ddewisom ni ddau wasanaeth lle mae'r Cyngor wedi penderfynu comisiynu gwasanaethau'n allanol ac fe archwiliom ni'r trefniadau comisiynu y mae'r Cyngor wedi'u rhoi ar waith. Y sampl o feysydd gwasanaeth y gwnaethom eu hadolygu yn y Cyngor oedd:
 - Gwasanaethau leuenctid
 - Cynnal a chadw adweithiol – heblaw tai
- 13 Mae'r dystiolaeth yr ydym wedi'i defnyddio i oleuo ein canfyddiadau'n gyfyngedig i'r ffynonellau hyn. Fe wnaethom y gwaith hwn yn ystod mis Tachwedd 2024.

¹ Fe'i diffinnir fel 'yr hyn a ddylai fod' yn ôl deddfau neu reoliadau, 'yr hyn a ddisgwylir' yn ôl arfer gorau, neu 'yr hyn a allai fod', pe bai'r amodau'n well.

- 14 Rydym yn gwneud y gwaith hwn ym mhob un o'r 22 o brif gynghorau yng Nghymru ac, yn ogystal ag adrodd yn lleol wrth bob cyngor, rydym hefyd yn bwriadu cynhyrchu adroddiad cenedlaethol.



Yr hyn a ganfuom

- 15 Ar y cyfan, canfuom **fod gan y Cyngor drefniadau i roi cymorth i gomisiynu gwasanaethau, ond bod diffyg goruchwyllo a gwerthuso corfforaethol sy'n cyfyngu ar sicrwydd y Cyngor ynghylch y cwestiwn a yw'n sicrhau gwerth am arian o'i wasanaethau a gomisiynir**. Rydym yn nodi isod pam y daethom i'r casgliad hwn.
- 16 Mae trefniadau a gweithdrefnau'r Cyngor i gefnogi meysydd gwasanaeth wrth gomisiynu gwasanaethau'n cynnwys:
- Ffurflen Cysyniad Prosiect
 - Achos Busnes
 - Dogfen Cychwyn Prosiect
 - Cynllun Cyfathrebu
 - Cynllun Prosiect
 - Log Risgiau
 - Log Materion
 - Adroddiad ar y Prif Bwyntiau
 - Adroddiad Cau Prosiect
- 17 Mae'r trefniadau hyn yn ei gwneud yn ofynnol i feysydd gwasanaeth roi diffiniad clir o'r gwasanaeth a fydd yn cael ei ddarparu a'r sail resymegol dros wneud hynny. Mae bod â dealltwriaeth glir am y gwasanaeth yn bwysig i sicrhau gwerth am arian.
- 18 Mae trefniadau comisiynu'r Cyngor yn ei gwneud yn ofynnol i bob maes gwasanaeth gwblhau achos busnes. Mae hyn yn cynnwys proses arfarnu opsiynau sy'n cynnwys data a thystiolaeth, manteision ac anfanteision, risgiau, a chostau. Fe wnaeth y Cyngor gomisiynu'r ddau wasanaeth a adolygwyd gennym ni 10 mlynedd a 15 mlynedd yn ôl yn y drefn honno. Ni wnaeth y gwasanaethau hyn ddefnyddio trefniadau a gweithdrefnau cyfredol y Cyngor wrth gomisiynu'r gwasanaeth yn wreiddiol. Fodd bynnag, roedd un o'r ddau wasanaeth a archwiliwyd gennym yn gallu darparu arfarniad cynhwysfawr o'r opsiynau a gwblhawyd. Mae'r gofyniad i gwblhau proses arfarnu opsiynau'n lleihau'r risg y bydd y Cyngor y gwneud penderfyniadau comisiynu nad ydynt yn sicrhau'r gwerth gorau am arian.
- 19 Nid yw'r templed ar gyfer achos busnes yn nhrefniadau comisiynu'r Cyngor yn ei gwneud yn ofynnol i feysydd gwasanaeth fod yn eglur ynghylch deilliannau disgwylidiedig gwasanaeth. Fodd bynnag, roedd un o'r ddau wasanaeth a archwiliwyd gennym yn glir ynghylch y deilliannau a sut y dylai'r rhain gael eu hasesu. Un o elfennau allweddol asesu gwerth am arian gwasanaeth a gomisiynir

yw deall y deilliannau posibl ar y dechrau un. Heb ddatgan deilliannau'n glir, mae'n anodd i'r Cyngor asesu gwerth am arian y gwasanaeth a gomisiynir.

- 20 Mae trefniadau comisiynu'r Cyngor yn ei gwneud yn ofynnol i feysydd gwasanaeth ystyried y raddfa amser ar gyfer ei holl wasanaethau. Ar gyfer y ddau wasanaeth a archwiliwyd gennym ni, nid oedd y Cyngor yn gallu egluro'r sail resymegol dros y graddfeydd amser ar gyfer y gwasanaethau a gomisiynwyd ac nid oedd wedi adolygu'r gwasanaethau am nifer o flynyddoedd. Mae peidio ag adolygu modelau darparu gwasanaethau'n rheolaidd yn creu risg bosibl o golli cyfle i asesu a deall a oes unrhyw beth wedi newid a allai olygu y gallai opsiynau eraill ar gyfer darparu'r gwasanaethau gynnig gwerth gwell am arian yn awr.
- 21 Mae trefniadau comisiynu'r Cyngor yn ei gwneud yn ofynnol i feysydd gwasanaeth ystyried yr adnoddau y bydd eu hangen arno yn y dyfodol. Mae'r trefniadau hyn yn cynnwys ei gwneud hi'n ofynnol i feysydd gwasanaeth ymgynghori â swyddogion cyllid arbenigol i ddeall goblygiadau posibl penderfyniadau comisiynu ar gyfer adnoddau. Mae ystyried goblygiadau penderfyniadau comisiynu gwasanaethau ar gyfer adnoddau yn y tymor byr a hwy'n lleihau'r risg o beidio â sicrhau gwerth am arian dros y tymor hwy.
- 22 Mae trefniadau comisiynu'r Cyngor yn ei gwneud yn ofynnol i feysydd gwasanaeth ystyried cysylltiadau â'i amcanion llesiant, nodau llesiant cenedlaethol a blaenoriaethau cenedlaethol. Fodd bynnag, nid yw'r trefniadau'n ei gwneud yn ofynnol i wasanaethau ystyried amcanion llesiant a/neu flaenoriaethau cyrff eraill yn y sector preifat. Er gwaethaf hyn, roedd y gwasanaethau a adolygwyd gennym ni'n gallu dangos gwaith mewn partneriaeth a chydweithio sy'n cynorthwyo cyrff cyhoeddus eraill i gyflawni eu blaenoriaethau. Gall ystyried goblygiadau ehangach penderfyniadau comisiynu helpu'r Cyngor i osgoi dyblygu ac adnabod manteision lluosog a allai sicrhau deilliannau gwell a mwy o werth am arian.
- 23 Mae trefniadau comisiynu'r Cyngor yn ei gwneud yn ofynnol i feysydd gwasanaeth ystyried barn defnyddwyr gwasanaethau a rhanddeiliaid yn gynnar yn y broses gomisiynu. Hefyd, mae'r Cyngor yn disgwyl i wasanaethau gwblhau Asesiad Effaith Integredig sy'n cynnwys cynnal ystod o ymarferion ymgysylltu ac ymgynghori, gan gynnwys â phobl (neu grwpiau a gynrychiolir) sy'n rhannu nodweddion gwarchodedig. Gall y Cyngor ddangos sut y gwnaeth gweithgarwch cynnwys oleuo'r broses o ddylunio a darparu ei wasanaethau a gomisiynir. Mae hyn yn bwysig gan bod gweithio gyda'r bobl a'r partneriaid iawn yn gallu helpu'r Cyngor i sicrhau ei fod yn comisiynu gwasanaethau sy'n diwallu anghenion ei gymunedau, a bod y gwasanaethau hynny'n cael eu darparu mewn ffordd sy'n cynyddu gwerth am arian i'r eithaf.
- 24 Er bod gan y Cyngor drefniadau i roi cymorth ac arweiniad i wasanaethau wrth ystyried gweithgarwch comisiynu, nid yw'r Cyngor yn monitro a yw meysydd gwasanaeth yn cydymffurfio â'r trefniadau hyn yn rheolaidd. Heb yr oruchwyliaeth hon, ni all y Cyngor fod â sicrwydd bod penderfyniadau comisiynu'n ystyried yr ystod lawn o ffactorau allweddol a fydd yn dwyn gwerth am arian.

- 25 Nid yw trefniadau comisiynu'r Cyngor yn cynnwys dull strwythuredig ar gyfer adolygu eu heffeithiolrwydd. Hefyd, nid oes gan y Cyngor ddull cyson o rannu gwersi a ddysgwyd o weithgarwch comisiynu ar draws y sefydliad. Mae trefniadau sy'n sicrhau bod gwerthuso'n digwydd a bod unrhyw wersi a ddysgwyd yn cael eu rhannu'n eang yn bwysig i helpu i adnabod cyfleoedd i wella gwerth am arian.

Ein hargymhellion i'r Cyngor

Arddangosyn 1: ein hargymhellion i'r Cyngor

Argymhellion

A1 Effeithiau ehangach comisiynu gwasanaethau

I osgoi dyblygu ac adnabod cyfleoedd i sicrhau manteision lluosog, dylai'r Cyngor fynd ati'n rheolaidd i ystyried yr effaith bosibl ar amcanion llesiant cyrff eraill yn y sector cyhoeddus wrth gomisiynu gwasanaethau. **(Paragraff 22)**

A2 Cryfhau cydymffurfiaeth â'i drefniadau comisiynu

I sicrhau bod dull comisiynu corfforaethol y Cyngor yn cael ei roi ar waith yn gyson ar draws meysydd gwasanaeth, dylai'r Cyngor gyflwyno trefniadau i fonitro cydymffurfiaeth. **(Paragraff 24)**

A3 Adolygiad o drefniadau comisiynu'r Cyngor

I sicrhau bod y Cyngor yn adnabod cyfleoedd i wella gwerth am arian dylai:

- egluro ei ddisgwyliadau ynghylch pa mor aml y dylai opsiynau darparu gwasanaethau gael eu hadolygu'n ddiweddarach unwaith y maent wedi cael eu comisiynu **(paragraff 20)**;
- mynd ati'n rheolaidd i werthuso effeithiolrwydd ei drefniadau comisiynu **(paragraff 25)**; a
- rhannu gwersi ar draws y sefydliad **(paragraff 25)**.

Atodiad 1

Cwestiynau a meini prawf archwilio

Cwestiwn cyffredinol: Wrth gomisiynu gwasanaethau a yw'r Cyngor yn sefydlu trefniadau priodol i sicrhau gwerth am arian o ran y modd y mae'n defnyddio ei adnoddau?

Cwestiynau Lefel 2	Cwestiynau Lefel 3	Meini Prawf
A oes gan y Cyngor resymeg eglur dros gomisiynu gwasanaethau?	A yw'r Cyngor yn diffinio'n glir pa wasanaethau y mae'n bwriadu eu comisiynu a pham?	• Mae'r Cyngor yn nodi diffiniad clir o'r gwasanaethau y mae'n bwriadu eu comisiynu • Mae'r Cyngor yn nodi 'pam' fod arno angen comisiynu'r gwasanaethau gan gynnwys: – effaith/deilliannau bwriadedig darparu'r gwasanaeth – a fydd/sut y bydd y gwasanaeth yn helpu'r Cyngor i gyflawni ei ddyletswyddau statudol
	A yw'r Cyngor yn cynnal arfarniad cynhwysfawr o'r opsiynau comisiynu cyn penderfynu comisiynu gwasanaeth?	• Mae'r Cyngor yn ystyried yr ystod lawn o opsiynau comisiynu ar gyfer darparu'r gwasanaeth – gallai'r opsiynau gynnwys y canlynol, er enghraifft: – darpariaeth fewnol – trefniadau partneriaeth neu ddulliau o gomisiynu o fewn ac ar draws sectorau – allanoli'r gwasanaeth i ddarparwr arall trwy ymddiriedolaeth neu drefniant arall – contractio'r gwasanaeth trwy broses dendro • Mae'r Cyngor yn ystyried costau a manteision yr opsiynau o safbwynt darbodaeth, effeithlonrwydd ac effeithiolrwydd – gan gynnwys dros y tymor byr, canolig a hir • Mae'r Cyngor yn cynnwys costau rheoli contract o fewn ei asesiad o opsiynau comisiynu • Mae'r Cyngor yn cynnwys asesiad o risg ar gyfer pob opsiwn comisiynu fel rhan o asesu costau a manteision • Mae'r Cyngor yn defnyddio amrywiaeth eang o wybodaeth o ffynonellau mewnol ac allanol i ddatblygu dealltwriaeth am y ffactorau cyffredol a hirdymor sy'n debygol o effeithio ar wasanaethau a gomisiynir

A yw'r Cyngor yn cynllunio dros raddfa amser briodol?	A yw'r Cyngor yn ystyried beth mae hirdymor yn ei olygu wrth gomisiynu gwasanaethau?	• Mae'r Cyngor yn ystyried beth mae hirdymor yn ei olygu wrth gynllunio ei ddull o gomisiynu gwasanaethau – h.y. pa mor bell ymlaen all/ddylai gynllunio a pham • Mae'r Cyngor yn ystyried sut y bydd yn taro cydbwysedd rhwng anghenion byrdymor a hirdymor wrth gynllunio ar gyfer comisiynu gwasanaethau gan gynnwys, er enghraifft, wrth bennu'r ffrâm amser ar gyfer contractau neu drefniadau comisiynu eraill
	A yw'r Cyngor yn deall y goblygiadau hirdymor o ran adnoddau wrth gomisiynu gwasanaethau?	• Mae'r Cyngor yn meddwl am yr adnoddau y bydd eu hangen arno dros y tymor canolig a hwy (costau oes gyfan) i ddarparu gwasanaethau a gomisiynir • Mae'r Cyngor yn ystyried sut y gellid gweithredu ystod o senarios lleihau cyllideb yn y dyfodol mewn perthynas â gwasanaethau a gomisiynir
	A yw'r Cyngor yn nodi sut y bydd yn monitro gwerth am arian gwasanaethau a gomisiynir dros y tymor byr, canolig a hir?	• Mae'r Cyngor yn nodi'r trefniadau monitro y bydd yn eu dilyn ar gyfer y gwasanaeth a gomisiynir • Dylai'r Cyngor ddisgrifio sut y bydd gwerth am arian gwasanaethau a gomisiynir yn cael ei asesu a'i fonitro gan gynnwys: – costau a manteision – cynnydd tuag at gerrig milltir a mesurau tymor byr, canolig a hwy
A yw'r Cyngor wedi meddwl am yr effeithiau ehangach y gallai ei wasanaeth a gomisiynir eu cael?	Wrth gomisiynu gwasanaethau, a yw'r Cyngor yn ystyried sut y gall gynyddu eu cyfraniad at amcanion llesiant y Cyngor i'r eithaf?	• Mae'r Cyngor yn ystyried sut y bydd gwasanaethau a gomisiynir yn effeithio ar ei holl amcanion llesiant ei hun i sicrhau manteision lluosog, osgoi dyblygu neu unrhyw ganlyniadau anfwriadol, e.e. ystyried amcanion tymor hwy, y gadwyn gyflenwi leol, cydnerthedd y farchnad ac effaith hyd contractau, bioamrywiaeth, a lleihau carbon
	Wrth gomisiynu gwasanaethau, a yw'r Cyngor yn ystyried sut y gall gwasanaethau gynyddu eu cyfraniad at amcanion llesiant cyrff eraill yn y sector cyhoeddus i'r eithaf?	• Mae'r Cyngor yn ystyried sut y bydd gwasanaethau a gomisiynir yn effeithio ar amcanion llesiant cyrff eraill yn y sector cyhoeddus i sicrhau manteision lluosog ac osgoi dyblygu neu unrhyw ganlyniadau anfwriadol
	Wrth gomisiynu gwasanaethau, a yw'r Cyngor yn ystyried sut y gall gwasanaethau gynyddu eu	• Mae'r Cyngor yn ystyried sut y bydd gwasanaethau a gomisiynir yn effeithio ar y nodau llesiant cenedlaethol i sicrhau manteision lluosog ac osgoi dyblygu neu unrhyw ganlyniadau anfwriadol

	cyfraniad at y Nodau Llesiant Cenedlaethol i'r eithaf?	
A yw'r Cyngor yn gweithio gyda'r bobl a'r partneriaid iawn i ddylunio a darparu ei wasanaethau a gomisiynir?	A yw'r Cyngor wedi adnabod pwy y mae angen iddo eu cynnwys?	Mae'r Cyngor yn deall pwy fydd gwasanaethau a gomisiynir yn effeithio'n uniongyrchol ac yn anuniongyrchol arnynt. Goleuwyd hyn gan ddadansoddiad rhanddeiliaid neu ymarfer tebyg.
	A yw'r Cyngor yn cynnwys yr amrywiaeth lawn o bobl?	- Mae'r Cyngor yn cynnwys yr amrywiaeth lawn o safbwyntiau wrth benderfynu sut i gomisiynu gwasanaethau. - Mae'r Cyngor yn defnyddio canlyniadau gweithgarwch cynnwys i oleuo sut y bydd yn comisiynu gwasanaethau, gan gynnwys ei effaith ar grwpiau sy'n rhannu nodweddion gwarchodedig
	A yw'r Cyngor yn cydweithio gyda'r partneriaid cywir?	- Mae'r Cyngor yn deall yn dda pa bartneriaid a pha bartneriaid posibl y gallai weithio gyda hwy i gomisiynu gwasanaethau i wella gwerth am arian. Goleuwyd hyn gan ddadansoddiad cynhwysfawr o bartneriaid posibl a'u blaenoriaethau - Lle mae cyfleoedd i wella gwerth am arian trwy gomisiynu gwasanaethau mewn partneriaeth yn cael eu hadnabod, mae'r Cyngor yn mynd ar eu trywydd
A oes gan y Cyngor drefniadau i werthuso gwerth am arian ei ddull comisiynu?	A yw'r Cyngor yn mynd ati fel rhan o'r drefn arferol i werthuso effeithiolrwydd ei drefniadau comisiynu?	- Mae'r Cyngor yn adolygu effeithiolrwydd ei ddull comisiynu'n rheolaidd gan gynnwys: - i ba raddau y mae gwasanaethau a gomisiynir yn cyflawni'r amcanion y mae'r Cyngor wedi'u pennu - gwerth am arian modelau comisiynu a ddewiswyd gan gynnwys ystyried mewnbynnau, allbynnau a deilliannau
	A yw'r Cyngor yn mynd ati fel rhan o'r drefn arferol i rannu unrhyw wersi a ddysgwyd i oleuo ymarferion comisiynu yn y dyfodol?	Mae'r Cyngor yn rhannu ac yn cymhwyso unrhyw wersi a ddysgwyd o'i ddull comisiynu yn eang ar draws y sefydliad, a chyda phartneriaid lle y bo'n berthnasol.



Archwilio Cymru

1 Cwr y Ddinas

Caerdydd CF10 4BZ

Ffôn: 029 2032 0500

Ffacs: 029 2032 0600

Ffôn testun: 029 2032 0660

E-bost: post@archwilio.cymru

Gwefan: www.archwilio.cymru

We welcome correspondence and telephone calls in Welsh and English.
Rydym yn croesawu gohebiaeth a galwadau ffôn yn Gymraeg a Saesneg.